

Barisan kepimpinan baharu PAS atur strategi perjuangan



Nik Mohamad Abduh



Fadzli Hassan



Khairuddin at-Takiri



Zuhdi Marzuki



Fakhruddin



Razman Zakaria

Muktamar PAS Pusat Ke-63 telah melabuhkan tirainya dengan perwakilan dari seluruh negara memilih kepemimpinan PAS bagi sesi 2017-2019. Muktamar yang mendapat liputan meluas media ini berlangsung dalam suasana penuh bersemangat dan paling ramai dihadiri oleh pemerhati.

Muktamar ini juga mendapat sorotan meluas kerana perwakilan memilih kepemimpinan PAS untuk sesi 2017-2019. PAS dilabel sebagai parti lebai kampung dan kami tidak pernah berkecil hati dengan gelaran itu, malah berasa bangga menggalang gelaran 'lebai' kerana kelompok inilah yang paling merakyat dalam hirarki sosial orang Melayu.

Ahli Parlimen Pasir Mas, Nik Mohamad Abduh Nik Aziz, yang juga bekas Ketua Dewan Pemuda PAS adalah satu-satunya anak Tuan Guru Nik Aziz yang terbabit secara aktif dalam PAS pada peringkat nasional. 'Anak butir' Tok Guru ini mendapat pendidikan tinggi di Deoband, India, seterusnya ke Universiti Al-Azhar, Mesir.

Aktif dengan Pemuda PAS
Beliau terbabit secara aktif sejak pulang ke tanah air dengan Pemuda PAS di Pengkalan Chepa dan juga Dewan Pemuda PAS Kelantan. Penulis prolific ini juga menggerakkan institusi pendidikan Islam seperti Maahad Tahfiz Nikmatillah Kelantan dan Maahad an Nur Terengganu.

Dr Fadzli Hassan, bekas pensyarah Universiti Islam Antarabangsa Malaysia (UIAM) lahir daripada rahim tarbiah PAS sejak remaja dan mendapat doktorat dari Universiti Birmingham, United Kingdom (UK) dalam bidang undang-undang perlembagaan. Dr Khairuddin at-Takiri pula bekas pensyarah Universiti Kebangsaan Malaysia (UKM) yang mendapat ijazah MA dari Universiti Jordan serta mempunyai doktorat dari UKM.

Dr Zuhdi Marzuki, bekas Timbalan Presiden Gerakan Mahasis-

wa Islam Malaysia (GAMIS), tokoh muda radikal di zaman kampus yang menjadi dalang bantahan konsert Sheila Majid. Beliau pelajar pintar yang diasuh sejak remaja sebagai pimpinan PAS. Mendapat doktorat dari Universiti of Wales, UK.

Dr Fakhruddin Sheikh Fakhruddin, Pesuruhjaya PAS Negeri Kedah pula adalah anak kepada tokoh ilmuwan Kedah. Beliau memperoleh Ijazah Sarjana Muda Syariah Undang-Undang dari UKM, dan MA dalam Undang-Undang Perbandingan di UIAM. Bekas Ketua Dewan Ulama PAS kedah ini berdoktorat Pengajian Islam di UKM.

Razman Zakaria, bekas Pengarah Kastam mempunyai MA dalam bidang pentadbiran Awam dari UM. Solehen Mukhyi, bekas EXCO kerajaan Selangor adalah tokoh gerakan mahasiswa di zaman mudanya. Bergraduan dari UKM, seterusnya ke kampus Jordan dan Universiti Malaya (UM).

Datuk Nasaruddin Daud menci- cip ilmu di Universiti al-Azhar adalah EXCO Kerajaan Kelantan. Tokoh agama ini juga adalah pemimpin pemuda pada zamannya. Dr Rusni Adam, pengamal perubahan Muslimah bergraduan dari UM. Anak Johor ini, bekas aktivis pelajar di zaman kampus, seterusnya terjun aktif bersama Dewan Muslimat. Beliau juga adalah Timbalan Ketua Dewan Muslimat PAS.

Dr Halimah Ali dilahirkan di Marudi, Sarawak, bekas Ketua Urusan Muslimat Persatuan Mahasiswa Islam Tasmania, mendapat pendidikan di Elizabeth Matriculation College, Hobart Tasmania, seterusnya memperoleh Ijazah Perubatan dari Universiti Tasmania. Bekas EXCO Selangor yang juga kini ADUN Selat Klang ini juga memiliki Diploma Tasawwur Islam ILHAM.

Mokhtar Senik mendapat pendidikan tinggi di Universiti Pakistan dan juga di Makkah. Beliau juga pengasas kepada Kompleks Pendidikan An Nur di Kuantan, Pahang. Mokhtar Suhaili adalah anak Sarawak yang bertugas se-

bagai jurutera kanan di sebuah syarikat minyak dan gas antarabangsa dan berpengalaman bertugas di beberapa tempat dalam dan luar negara.

Beliau berkelulusan Sarjana Muda Kejuruteraan Mekatroniks dari UIAM dan Sarjana Teknologi Petroleum dari Curtin University Australia. Misbahul Munir Masduki, bekas Naib Ketua Dewan Pemuda PAS Pusat dan juga aktivis Yayasan Amal Malaysia adalah lulusan UM untuk Ijazah Pertama.

Mendapat MA (Sains Politik) dari UKM. Calon PhD ini juga ialah Mudir Pusat Dakwah Serantau yang aktif mencetak kader dakwah. Dr Azman Ibrahim, anak muda kelahiran Besut Terengganu pula mendapat pendidikan di Matrikulasi UM. Mendapat Ijazah Perguruan di Universiti Baghdad, Iraq, seterusnya berkhidmat dengan hospital kerajaan sebelum mempunyai kliniknya sendiri di Kubang Kerian, Kelantan.

Dr Najihatussallehah Ahmad, adalah AJK Dewan Muslimat PAS Pusat yang aktif. Beliau bergraduat dari UM dalam bidang Perubatan dan aktif dengan gerakan mahasiswa Islam sejak di alam kampus. Kamaruzaman Mohammad, bekas Ketua Dewan Pemuda PAS Wilayah Persekutuan ialah penggerak utama bantahan awam di negara ini. Beliau memiliki ijazah Sains Pendidikan dari kampus UPM serta Ijazah Sarjana dari universiti sama dalam bidang Pengurusan Teknologi Maklumat.

Sosiopolitik mapan

Usahawan berjaya ini juga adalah calon PhD di sebuah universiti tempatan. Abdullah Hussin, ahli legislatif dari Johor ini adalah tokoh pendidikan Islam di negeri tembuni UMNO ditanam. Mendapat pendidikan di Universiti Al Azhar, Mesir, pulang ke tanah air menjadi pengasas pusat pendidikan Islam.

Naib-Naib Presiden pula mempunyai latar belakang pendidikan yang piawai serta pembabitan sosiopolitik yang mapan sejak re-

maja. Idris Ahmad, bekas pensyarah Universiti Teknologi MARA (UTM), calon doktorat universiti tempatan dan johan pidato kebangsaan ketika belajar di KIK. Beliau memimpin pelajar di UKM pada zaman kampus.

Datuk Nik Amar Nik Abdullah, bekas Ketua Pelajar Maahad Muhammad di Kelantan. Anak tokoh PAS, Nik Abdullah Arshad, beliau mempunyai M (Phil) dari Universiti Birmingham UK. Nik Amar adalah bekas pensyarah UIAM. Datuk Iskandar Samad adalah alumni Kolej Melayu Kuala Kangsar (MCKK) serta belajar dalam bidang seni bina dari Universiti HumberSide UK. EXCO kerajaan Selangor ini terasuh cermat dengan sistem tajnid PAS.

Diiktiraf dunia Islam

Timbalan Presiden pula adalah bekas pensyarah kanan UITM. Beliau mendapat MA Dakwah dari UKM, sebelum menyambung ijazah PhD, dipanggil bertanding di DUN Jengka. Datuk Tuan Ibrahim menjadi ADUN Jengka pada 1999 sehingga 2004. Ayah Chik Tuan Guru Presiden ialah ilmuwan diiktiraf dunia Islam yang telah men- garang hampir 100 buku.

Naib Ketua Kesatuan Ulama Dunia ini memperoleh keserjanaan dari Asia Barat, Madinah dan Mesir. Setiausaha Politik Presiden, Dr Shamsuri Mokhtar ialah pakar aeroangkasa Malaysia yang mendapat doktorat dari Universiti Leeds, UK. Kabinet kepemimpinan baru PAS Pusat yang dipilih oleh perwakilan di Kompleks PAS Kedah ini adalah gambaran masa depan PAS. Mereka akan merencanakan rentak dan orientasi perjuangan Islam dengan dipandu oleh Majlis Syura Ulama.

PAS adalah pemain utama politik negara ini dengan menelusuri sejarah panjang 66 tahun meredah belantara perjuangan. Berdepan dengan kelompok sekular pragmatis, kelompok sosialis, liberal demokrat dan juga pembenci-pembenci yang tidak akan berhenti menghadang perjalanan panjang ini.

Komentar



Dr Riduan Mohamad Nor

Ahli Jawatankuasa Kerja PAS Pusat merangkap Pendakwah dan Perunding Motivasi